



AALAJANGIISUT:

Suliami 26/00270-imi

Kalaallit Nunaanni Tusagassiuutit pillugit Aaliangiisartut
ulloq 30. juuni 2026-mi aalajangiissuteqarput

[Naammagittaalliortoq]

illuatungalugu

KNR

Dato: 03-09-2026

Sagsnr.: 26/00270

**Atuisartoqarnermut Unammilleqatigiinner-
mullu Aqutsisoqarfik**
Forbruger- og Konkurrencestyrelsen
Postboks 689
3900 Nuuk
Tlf. (+299) 32 80 33
E-mail: aua@nanoq.gl
www.aua.gl

Ulloq 20. aprili 2026-mi ilanngutassiaq "[Tusagassiuut: Amerikamiu
politikerinik inussutissarsiortunillu oqaloqateqarnini tunngaviqalugu
præsidentip illorsuanut paasissutissiisoq](#)" KNR-ip nittartagaani
saqqummiunneqartoq, aammattaaq ulloq taanna nal. 12 radioavisikkut
atuarneqartoq, KNR-ip ulloq 23. aprili 2026-mi aaqqiissuteqarfigalugu
naqqiuteqarfigalugulu aalajangiissutaa pillugu [Naammagittaalliortoq]
naammagittaalliuuteqarpoq, matumanilu tusagassiornermi
ileqqorissaarnek arlalitsigut avaqqunneqarsimanera isummersuutigalugu.

Suliamik saqqummiussineq

Nutaarsiassaqaartitsivik Reuters-ip tuluttut ilanngutassiaa¹ takinerusumik
allataasoq najoqqutaralugu ilanngutassiaq imaqarpoq.

Immikkoortoq, amerikamiup niuertup[Ateq 1-ip] partimut [Parti 1-imut]
[Naammagittaalliortumullu] attaveqalernermik
ineriartortitsisimasinnaaneranut tunngassuteqarpoq, aammattaaq [Ateq
1-ip] Kalaallit Nunaanni politikkimut inuussutissarsiuteqarnermullu
tunngasunik paasissutissanik præsidentip illorsuani naalagaaffimmi
atorfilinnut ingerlatiteqqiisimaneranut, matumanilu
[Naammagittaalliortorlu] oqaloqatigiinnerit pillugit
ingerlatiteqqiisimaneranut tunngassuteqarluni.

¹ [MAGA figures are pushing Trump's campaign to grab Greenland. But it's tough sledding](#)

Reutersip ilanngutassiaani immikkoortut arlallit KNR-ip kalaallisuunngorlugit qallunaatuunngorlugillu nuttersimavai, ilanngutassiamilu naammagittaalliuutigineqartumi allanneqaqqaarnerani ima qulequtserneqarsimasumi *“Amerikamiu [Naammagittaalliortumik] oqaloqateqarnini tunngavigalugit præsidentip illorsuanut nalunaarusiortartoq.”*-miit issuarsimallugit. Amerikamiut pingasut taakkunanilu [Ateq 1] siornatigut isertortumik Kalaallit Nunaanni sunniiniaasimanerat pillugu DR-ip ilanngutassiaa, KNR-ip aallaqqaasiutittut eqqartorsimavaa.

Ilanngutassiap saqqummiunneqarnerata kingorna [Naammagittaalliortoq] ulloq 22. aprili 2026-mi nal. 21.15 e-mailikkut KNR-imut arlalinnik isornartorsiuteqarluni saaffiginnissuteqarpoq, matumanilu amigartumik saqqummiussisoqarsimanera, Reutersip ilanngutassiaani immikkoortut kukkusumik issuarneqarsimaneri, kiisalu ilanngutassiap imarisaa sumullu sammisuunera pillugit oqaaseqaateqarluni.

KNR-i saaffiginnissummut ulloq 23. aprili 2026-mi nal. 11.25-mi e-mailikkut akissuteqarpoq. KNR-ip ilaatigut ilanngutassiap saqqummiunneqannginnerani [Naammagittaalliortoq] paasissutissanut oqaaseqarnissaminut periarfissinneqarsimannginnera ajuusaarutigalugu akissuteqaatigaa. Tamatuma saniatigut KNR-i ilanngutassiap qulequtaata allanngortinneqarsimanera, aammattaaq erseqqissaanermik ilanngussisoqarsimanera pillugu ilisimatitsissuteqarpoq.

Ilanngutassiaq erseqqissarneqarsimasooq ima qulequtaqarpoq *“Tusagassiuut: Amerikamiu politikerinik inussutissarsiortunillu oqaloqateqarnini tunngavigalugu præsidentip illorsuanut paasissutissiisoq”*. Qulequttallu nassuiaataani ima allassimalluni:

“Reuters allappoq, Amerikamiu niuertoq [Ateq 1] [Naammagittaalliortumik] kalaallinillu inuussutissarsiortunik oqaloqateqarnini tunngavigalugit præsidentip illorsuanut nalunaarusiortartoq.”

Ilanngutassiap erseqqissarneqarnikup allanneqarnera ilaatigut ima ima qarpoq:

”Erseqqissaaneq: KNR [Naammagittaalliortup] saaffiginninnerata kingorna allaaserisaq erseqqissarniarlugu aalajangerpoq. [Naammagittaalliortoq] præsidentip illorsuanut paasissutissiisutut allaaserisami siullermik saqqummiunneqarpoq. Reutersilli allaaserisaani politikkikkut inuussutissarsiornermiillu paasissutissat allaaserineqarnerat, [Naammagittaalliortorlu] oqaloqatigineqartarsimanera allaaserineqarsimasoq, [Naammagittaalliortorli] kisimi pineqanngitsaq [Naammagittaalliortoq] KNR-imut oqarpoq.

Amerikamiut pingasut, aqqi oqaatigineqanngitsut, Kalaallit Nunaanni isertortumik sunniiniarsimanerat [DR-imit siorna allaaserineqarpoq](#).

Angutit taakkua ilagaat niuertoq [Ateq 1].

[Reutersimi allaaserisami](#) taanna Kalaallit Nunaanni politikkikkut inuussutissarsiornikkullu pissutsit pillugit nalunaarusianik sukumiisumik imalinnik præsidentip illorsuanut nassiussisarsimalluni oqaluttuarpoq. - Nalunaarusiat taakkua ilai [Naammagittaalliortumik] (Parti 1) oqaloqateqarnermigut paasissutissarsineranik tunngaveqartut, [Ateq 1] Reutersimut oqarpoq.

Aamma atuaruk [Jens-Frederik Nielsen: Iligiit akornanni kilitsissiatut suliagarneq akuersaarnegarsinnaanngilluinnarpog](#)

[Naammagittaalliortup] [Ateq 1-ip] Kalaallit Nunaanni sunniuteqarniarnera Reutersimut nammineq ilumuunnginnerarpaa.

Aammattaaq [Parti 1-ip] nunatta ilamerngaluunniit præsident Donald Trumpimut minnerpaamilluunniit tunniunnavianngikkaa oqarpoq.

Reuters allappoq [Ateq 1-ilu] præsidentip illorsuani oqaloqatigisartagai sulisut nalinginnaasuunngillat, Reuters allappoq.

Aamma USA-p nunanut allanut ministeria Marco Rubio, tusakkat naapertorlugit, toqqaannartumik attaveqarfigaagooq.

[...]

Oqaluttuani allanngortikkaa

[Naammagittaalliortoq] [Ateq 1] tusagassiortumik danskimik nereqateqarnermini ataasiaannarluni ataatsimeeqatiginerarlugu Reutersimut aallaqqaammut oqaluttuarpoq, aqqusinermilu naapittarsimanerarlugu.

[Ateq 1-ip] [Naammagittaalliortoq] nammineq ikinngutimisut eqqaavaa, ilaannikkullu nereqatigiutigalugu Kalaallit Nunaata USA-llu soqutigisaat qanoq siuarsarneqarsinnaaneraniq oqaloqatigisartagarinerarlugu.

Reutersillu [Ateq 1] [Naammagittaalliortorlu] ilaquuttatik peqatigalugit Qooqquni ulloqeqasioqatigiinneranit assilisanik pissarsivoq.

Reutersilli assit [Naammagittaalliortumut] takutimmagit, [Naammagittaalliortup] [Ateq 1] ullormut angalaaqatigisimallugu tusagassiummut oqaluttuarpoq.”

Ulloq 23. aprili 2026-mi nal. 17.22-mi [Naammagittaalliortup] akissuteqaammut akissuteqarpoq. Akissuteqaatimini oqaatigaa, aaqqiissutigineqartut naammanngitsut, aallaqqaammullu isummersuutigini kuusami pingaarnersai aaliangiusimaffigigai.

[Naammagittaalliortup] ilanngutassiami aaqqiissuteqartoqarnissaanut, nittartakkakkullu aviisimi aamma radioaviisimi naqqiuteqartoqarnissaanut piumasaaqataasa itigartinneqarneri pillugit KNR-ip aalajangiissutaa, Kalaallit Nunaanni Tusagassiuutit pillugit Aaliangiisartunut ulloq 23. aprili 2026-mi nal. 17.31-mi mailikkut naammagittaalliuutigaa.

Illua-tungeriit isumaat

[Naammagittaalliortup] isumaa

[Naammagittaalliortup] naammagittaalliuutimini oqaatigaa, ilanngutassiami radioaviisimilu aallakaatitami nunagisamik killuussisutut

takutinneqarnera naapertuunngitsuummat, tassunga atatillugu naammagittaalliuuteqannginnermini KNR-imut oqaatigisani pingaernerit innersuuppai.

KNR-ip ilanngutassiap saqqummiunneqannginnerani, sakkortuumik ajoqusiisumillu oqaatigineqartut takuteqqaarsimanngikkai, tamannalu KNR-imit nassuerutigineqarsimasoq ajuusaarutigineqarsimasorlu [Naammagittaalliortup] oqaatigaa.

Aammattaaq nutserinermi kukkusoqarsimasinnaasoq imaluunniit paatsoorneqarsinnaasumik allattoqarsimasinnaasoq KNR-ip iluani nassuerutigineqarsimasoq [Naammagittaalliortup] oqaatigaa, tamannattaaq Reuters-ip ilanngutassiaata issuaannarneqarani allanngortinneqarluni allanneqarnerani immikkoortortat arlallit [Naammagittaalliortumut] samminerutilersimanerisa takussuserpaat.

Tassungalu atatillugu ilanngutassiap qulequtaata, kalaallit politikkiata paasissutissaanut tunniunneqarsimasunut naammagittaalliortoq politikkerinermi paasissutissanik qitiusumik ilisimatitsiisimasutut nipeqalersissimagaa naammagittaalliortup oqaatigaa, uffa Reuters-ip ilanngutassiaani paasissutissat ilaannai naammagittaalliortumit oqaloqateqarnermit pissarsiarineqarsimasutut oqaatigineqaannarsimasut.

Aammattaaq oqaatigaa, KNR-ip [Ateq 1] Kalaallit Nunaanni sunniiniaanera naammagittaalliortumit ilumuunnginnerarneqarsimasoq kukkulluni allassimagaa. Kisiannili Kalaallit Nunaata ilamerngaluunniit USA-mut tunniunnaviannginnamiuk, taamak sunniiniaanermik kissaateqarnerit ernumaginngikkai.

Aammattaaq oqaatigaa, sumi qasseriarlu [Ateq 1] naapissimanera pillugu Reuters-imut nassuiaatini KNR-imiit allanngortitsissimasutut oqaatigineqarsimasoq allappaa, tamannattaaq eqqunngitsuusoq, aamma Reuters-ip ilanngutassiaa eqqortumik issuarneqarsimanngitsoq, soorluttaaq angalaaqatigiissimanertik pillugu nassuiaataa allanngortinneqarsimasoq uffa tamanna Kalaallit Nunaanni ilisimaneqareertuusoq.

Aammattaaq oqaatigaa, [Ateq 1-ip] kammagiittutut ilaannikkullu Kalaallit Nunaata USA-llu anguniagaat oqaluuserisarnerat pillugit oqaatigisimasai attaveqalernissamik pilersitsinissamik [Ateq 1-imiit] kissaataannaasuusut oqaluuserineqarusuttuusullu, kisiannili attaveqarnerat taamaanngilaq, tamakkulu pillugit oqaloqatigiinnikuunngillat.

Taamaattumik, KNR-ip paasissutissat naapertuutinngitsut paatsoorneqarsinnaasullu pillugit naqqiissuteqarluni, www.knr.gl -imi radioaviisimilu naqqiissummik aallakaatitsinissaa pisariaqartuusoq isummersuutigaa.

KNR-ip isumaa

[Ateq 1-ip] Det Hvide Hus-imut nalunaarusiornera pillugu paasissutissat, ilaatigut [Naammagittaalliortumit] oqaloqatigiinnerniit tunngaveqartuusut, tusagassiuutitut pingaaruteqartuusut Kalaallit Nunaannilu inuiaqatigiinnut soqutiginaateqartuusut KNR-ip oqaatigaa.

Aammattaaq KNR-ip oqaatigaa, tusagassiummi paasissutissat aallaavigineqartut, nunat assigiinngitsut akornanni tusagassiornermi suleriaasaat malillugu eqqortumik issuaanissaq sammineqarluartarmat, tusagassiummi pineqartut oqaaseqaataannik pissarseqqinnissaq naliginnaasumik pisariaqartanngitsoq.

Aammattaaq KNR-ip oqaatigaa, oqaluttuarineqarsimasut tunngavilersuinertalimmik sammineqarsimasut (formidlet sagligt), matumamilu qulequtami ilanngutassiamilu [Ateq 1-ip] ingerlatitseqqiisimasutut oqaatigineqartoq, aammattaaq Reuters-ip allataa assigalugu nalunaarusiat ilai [Naammagittaalliortorlu] oqaloqatiginerniit allataasuusut, matumanilu qanoq oqaaseqatigiiliornissaq eqqumaffigineqarsimasoq.

Aammattaaq, ilanngutassiap imarisai eqqortumik issuarnissai anguniarlugit suleqatit aaqqiissuisorlu ikioqatigalugit tusagassiortup nutsersimavai, soorluttaaq oqaatsit atorineqartut naapertuunniassammata oqaasilerineri ikuutit atorineqarsimallutik. Naak nutsernerata kingorna isumaa allaanerusutut misinnarsinnaagaluartoq, soorluttaaq tamanna nutserneqarnerata kukkusimasinnaanera imaluunniit eqqunngitsumik

nutserneqarsimasinnaanera aaqqissuisut iluminni nassuerutigisimagaat,
taava Reuters-ip paasissutissaata issuarneqarneri tunngaviusumik
eqqortumik allanneqarsimasut KNR-ip oqaatigaa.

Qulequttami imarisaatalu allanneqarnerani [Naammagittaalliortup]
siunertarisai allanneqarsimanngitsut, tamatumunngalu [Ateq 1-ip]
paasissutissani ingerlateqqitaani qanoq attuumassuteqarnerisooq
allaaserineqaannarsimasooq KNR-ip naggattut oqaatigaa.

Tusagassiuutit pillugit Aaliangiisartut tunngavilersuutaat aalajangiinerallu

Kirsten Thomassen, Dorte Olsen, Mariia Simonsen aamma Nino Fencker
aalajangiinnermi peqataapput.

Tusagassiornermi ileqqorissaarneq

Issuuaalluni allaaserinninnermut eqqortumik paasissutissiineq issuaanerlu
KNR-ip Reuters-ip ilanngutassiaa qanoq eqqortuutiginersooq
misissooqaarnagu issuarlugu tigulaariffigisimanera, aammattaaq Reuters-
ip ilanngutassiaani immikkoortut arlallit imarisaasa issuarneqarsimaneri
eqqunngitsuuneri pillugit [Naammagittaalliortoq]
naammagittaalliuuteqarpoq.

Tusagassiornermi ileqqorissaarnissamut malittarisassat najoqqutaralugit,
tusagassiorfiit eqqortunik piaartumillu paasissutissiisarnissaq
suliassarivaat. Periarfissaatillugu paasissutissat tunniunneqartut
ingerlateqqinneqartulluunniit eqqortuunerat qulakkeerneqartarnissaat
pisassaaq. Immikkoortoq A.1 aamma A.3 malillugit paasissutissat
arlaannut ajoqusiisinnaasut, nikanarsaataasinnaasut
tatigisaanermilluunniit annikillisisinnaasut saqqummiutilersinnagit
immikkut ittumik misissorneqartassapput, siullertullu pineqartumut
saqqummiunneqassallutik.

Immikkoortoq A.7 malillugu, ilanngutassiami aallakaatitamiluunnit
kukkussutiniq sunniutipiloqarsinnaasunik aaqqissuisoqarfimmit
ilisimasaqarfigilersimasut, aaqqissuisoqarfiup nammineq
suliniutigisaminik nalunaarutit eqqunngitsut naqqinnissai isumagissavai.

Tusagassiuutit pillugit Aaliangiisartut eqqumaffigniaqqaat, tusagassiiinnermi akisussaaneq pillugu inatsimmi § 12 malillugu, tusagassiuut alla aqutigalugu allaaserisap imaluunniit oqaaseqaatip atertaqartinneqartumik saqqummiunneqarsimasup imarisaanut, aaqqissuisup atuagassiaatigut ingerlateqqinneqartumut, aaqqissuisoq akisussaavoq. Reuters-imiit ilanngutassiaq saqqummiunneqaqqaarsimagaluarpalluunniit, KNR-ip tusagassiornermi ileqqorissaarnissamik malittarisassat malissallugit akisussaaffia allanngortinngilaa. KNR-ip nammineq nutaarsiassaati eqqortumik allassimanissaanut piumasaqaataa assigalugu tusagassiortut allat nutaarsiassaataannut aamma atuuppoq.

Aammattaaq Tusagassiuutit pillugit Aaliangiisartut isumaqarput, tusagassiuutit issuaanertalimmik nutaarsiassaqaangaat, nammineq sulissutigisaminik paasissutissani ajoqusiisinnaasuni pineqartup oqaaseqaateqarnissaa pillugu saaffigisussaavaa.

Tamannalu pingaarnertut, inuk imaluunniit inatsisitigut pisinnaatitaasoq nunatsinni najugaqartoq pisariitsumik nassarineqarsinnaasuutillugu pissaaq, kiisalu nunatsinni tusagassiuutit nunat allaniit issuaalluni nutaarsiassanik ingerlatitseqqiinera pineqartumut ajoqusiisinnaappat pissaaq.

1): Ilanngutassiap imarisaa sammivialu

Tusagassiiinnermi akisussaaneq pillugu inatsimmi § 34, imm. 3, 2. pkt. malillugu KNR-ip tusagassiornermi ileqqorissaarneq pillugu aaliangiinera Tusagassiuutit pillugit Aaliangiisartunut ingerlateqqinneqarsinnaasoq. Taamaattumik, KNR-ip emaili ulloq 23. aprili 2026-mi nal. 11.25-meersukkut ilanngutassiap nutarternera pillugu aaliangiissutaa kisiat aaliangiisartut nalilersuiffigisinnaavaat.

Tusagassiuutit pillugit Aaliangiisartut eqqumaffigniaqqaat, aaqqissuisup tusagassiuutit qanoq ilusilersornissaanut pisinnaatitaaffia, iliuusereriaatsit naliginnaasut atugarineqarsimasut malillugit (almindelige principper), tamatumunngalu suna tusagassiuutini saqqummiunneqassanersoq aaliangernissaa pisinnaatitaaffingaa. Tamanna ima isumaqarpoq, suliami pineqartoq pillugu, imaluunniit allat qitiusumik pineqartut pillugit allaaserinninnermi taaneqannginneri aaqqissuisup aaqqisuisinnaanermik

pisinnaatitaaffigaa, soorluttaaq tamakkiisumik isigalugu isumaa
ataqatigiissaarneqarsinnaappat, allatat najoqqutarisallu suut
ilaatinneqassanersut suullu ilaatinneqassannginnersut aaqqissuisup
nammineq aaliangigassarivai.

Nutaarsiassap allanneqarnerata sammivia, pineqartup nammineq
paasinninneranut, imaluunniit pineqartup iliuuseqartullu qanoq allatami
saqqummiunneqarnerini qanoq inissisimanerinit naapertuutinngitsutut
nipeqalernera pillugu isornartorsiorneqarnissaanut pilersitsinngilaq.

Tusagassiuutit pillugit Aaliangiisartut isumaqarputtaaq, inuiaqatigiinni
saqqumisuusut, matumanilu politikerit, kinaassusaannut iliuusaanullu
qanimut isornartorsiorneqartarneq allanit sanilliullugit
naammagittarfigisariaqarpaat.

[Ateq 1-ip] [Naammagittaalliortumut] inuiaqatigiinnit qinigaasutut
politikerusumut illuatungiliuttunilu partii annerpaajusumi
siulittaasuulluni qitiusumik inuiaqatigiinnut sullissisumut attaveqarnera
oqaloqateqarnerminiillu paasissutissanik pissarsisimaneq pillugu Reuters-
ip ilanngutassiaani allaaserineqarsimasut pillugit ukkatarineri, KNR-ip
aaqqissuisutut pisinnaatitaaffiata iluaniittuusoq, Tusagassiuutit pillugit
Aaliangiisartut nalilersuutigaat.

Aammattaaq, KNR-ip ilanngutassiami taamak sammiveqartitsilluni
ilusilersorsinnaatitaaffimminik unioqqutitsisimasutut nalilernissaanut
aaliangiisartut tunngavissaqartinngilaat.

Ilanngutassiap qulequtaani imarisaanilu [Ateq 1] ingerlatitseqqiisimasutut
kisiat allaaserineqarpoq, tamannalu [Naammagittaalliortoq] arlaatigut
kajumissaarisimasutut nipeqalersitsinngitsoq imaluunniit siuliatigulli
taamak iliornissamik takutitsinngitsoq.

Aammattaaq qulequtap nassuiaataani erseqqissaanermilu ilanngutassiallu
qulaatungaani allassimasumi ima allanneqarpoq, [Ateq 1-ip]
paasissutissat Det Hvide Hus-imut ingerlateqqissimasaata ilai
[Naammagittaalliortup] oqaloqatigineranit pisimasuusut.

Naggattut [Naammagittaalliortup] ilanngutassiami [Parti 1-ip] Kalaallit Nunaata ilamerngaluunniit USA-mut tunniunnaviarnagu oqaatigisimasai ilanngutassiami eqqortumik issuarneqarput.

Tamakkiisumik nalilersuereernerup kingorna, ilanngutassiap imarisaa sammivialu pillugit isornartorsiornissaanut tunngavissaqartinnagu Tusagassiuutit pillugit Aaliangiisartut isummersuutigaat.

2): [Ateq 1-ip] Kalaallit Nunaanni sunniiniaanera pillugu ilumuunnginnerarneranik allaaserinninneq

Reuters-ip ilanngutassiaata imarisaa, KNR-ip ilanngutassiaani ima issuarneqarpoq:

“... ”

[Naammagittaalliortup] [Ateq 1-ip] Kalaallit Nunaanni sunniuteqarniarnera Reutersimut nammineq ilumuunnginnerarpaa.

Aammattaaq [Parti 1-ip] nunatta ilamerngaluunniit præsidet Donald Trumpimut minnerpaamilluunniit tunniunnavianngikkaa oqarpoq. ...”

Taanna issuaaneq tuluttut allassimasumi oqaaseqatigiimmiit tunngaveqarpoq:

“[Naammagittaalliortoq] dismissed concerns by local politicians that [Ateq 1] is seeking influence. He said [Parti 1] opposes giving Trump “an inch” of Greenland”

Reuters-ip ilanngutassiaani oqaatsit atorneqartut malillugit Reuters-ip [Naammagittaalliortoq] ima paasisimagaa Tusagassiuutit pillugit Aaliangiisartut nalilersuutigaat; [Ateq 1] Kalaallit Nunaanni sunniuteqarniarnera pillugu nunatsinni politikerit allat isumalluutaat [Naammagittaalliortumit] isumaqatigineqanngitsoq.

Kisiannili Reuters-ip ilanngutassiaani [Ateq 1-ip] sunniiniaanera pillugu [Naammagittaalliortumit] ilumuunnginnerarneqarsimasoq

tunngavilerneqanngitsoq, taamaallaat taamak pisoqarnera
[Naammagittaalliortumit] ernumaateqartitsinngitsoq.

KNR-ip allassimavaa “[Naammagittaalliortup] [Ateq 1-ip] Kalaallit
Nunaanni sunniuteqarniarnera Reutersimut nammineq
ilumuunnginnerarpaa.” Reuters-ip ilanngutassiaani
toqqammaveqanngilaq, soorluttaaq oqaaseqatigiit kisiisa atuaraanni
[Naammagittaalliortoq] [Ateq 1-ip] anguniagaanut siunertaanullu
uppiasuusutut inissinneqarluni.

Immikkoortoq A.1 malillugu, Tusagassiuutit pillugit Aaliangiisartut
tamanna pillugu eqqunngitsumik allaaserisamut isornartorsiorlutik
oqaaseqaateqarput.

3): Reuters-imut nassuiaat allanngortinneqarsimanera pillugu
allaaserinninneq
Reuters-ip ilanngutassiaata imarisaa, KNR-ip ilanngutassiaani ima
issuarneqarpoq:

” ...

Oqaluttuani allanngortikkaa

[Naammagittaalliortoq] [Ateq 1] tusagassiortumik danskimik
nereqateqarnermini ataasiaannarluni ataatsimeeqatiginerarlugu
Reutersimut aallaqqaammut oqaluttuarpoq, aqqusinermilu
naapittarsimanerarlugu.

[...]

Reutersillu [Ateq 1] [Naammagittaalliortorlu] ilaquuttatik peqatigalugit
Qooqquni ulloqeqasioqatigiinneranit assilisanik pissarsivoq.

Reutersilli assit [Naammagittaalliortumut] takutimmagit,
[Naammagittaalliortup] [Ateq 1] ullormut angalaaqatigisimallugu
tusagassiummut oqaluttuarpoq.”

Taamak issuaaneq oqaaseqatigiimmit tuluttut allassimasumiit
tunngaveqarpoq:

“...

[Naammagittaalliortoq], [Parti 1's] leader, initially told Reuters he had only met [Ateq 1] once at dinner with a Danish journalist and twice on the street. But photos shared with Reuters show [Ateq 1] and [Naammagittaalliortoq] also dining with their families at a restaurant accessible from Nuuk via a boat ride.

Told of the photographs, [Naammagittaalliortoq] said he invited [Ateq 1] on a day trip...”

Reuters-ip ilanngutassiaani oqaatsit atorneqartut malillugit Reuters-ip [Naammagittaalliortoq] ima paasisimagaa Tusagassiuutit pillugit Aaliangiisartut nalilersuutigaat; ulluinnarlugu angalaaqatigisimanermi assilissat pillugit ilisimatinneqareernermi kingorna, [Ateq 1] qasseriaq qanorlu naapissimaneri pillugit siuliatigut nassuiaatini allanngortissimagaa.

Tamatumunngalu tassunga tunngatillugu, KNR-i Reuters-ip ilanngutassiaanik issuaasinnaanerminik pisinnaatitaaffeqarpoq.

Taamaakkaluartorli, [Naammagittaalliortup] KNR-imut allagaani ulloq 23. aprili 2026-meersumi takuneqarsinnaavoq, tusagassioortumut nassuiaatiminik allannguisimaneq pillugu akerliliinera tunngavilersuutigineqarpoq:

“...

Pingajuattut KNR-imiit oqaatigineqarpoq: ” Reutersilli assit [Naammagittaalliortumut] takutimmagit, [Naammagittaalliortup] [Ateq 1] ullormut angalaaqatigisimallugu tusagassiummut oqaluttuarpoq.”

Tamanna Reuters-ip ilanngutassiaani oqaatigineqanngilaq, taamatullu pisoqarnikuunngilaq. Ima allaqqavoq:

“Told of the photographs, [Naammagittaalliortoq] said he invited [Ateq 1] on a day trip.”

Taamaattumik KNR-ip ilanngutassiami oqaatigisaa “Oqaluttuani allanngortikkaa” ilumuunngilaq.

Februaarimi ullut ilaanni Inatsisartut ataatsimiittarfianni assilissat saqqummiunneqarsimasut eqqaasakka apeqqutigivai.

...”

Tusagassiuutit pillugit Aaliangiisartut taamak uppersaaneq tunngavigalugu nassuiaanerit arlaat eqqortuunera pillugu nalilersuiffiginnaanngillat. Tamatumunngali paasissutissat ajoqusiinnaasutut nikanarsaataasinnaasutullu tatigisaarnermilluunniit annikillisisinnaasutut aalajangiisartunik nalilersorneqarput. Taamaattumik paasissutissat pineqartut eqqortuuneri pillugit misissorneqaqqaartussaagaluartut, tassami uani pisumi aaliangersimasumi ajornanngitsumik saqqummiussinikkut pisimasinnaagaluarmat.

Taamaattumik ilanngutassiap saqqummiunneqannginnerani, KNR-ip [Naammagittaalliortumut] paasissutissat taakkua saqqummiunnerisigut qanoq eqqortuutigineri misissorneqarsimannginneri Tusagassiuutit pillugit Aaliangiisartut isornartorsiorpaat.

4): Attaveqatigiinnerup suussusaa oqaloqatigiinnerillu imarisai pillugit allaaserinninneq

Reuters-ip ilanngutassiaata imarisaa, KNR-ip ilanngutassiaani ima issuarneqarpoq:

“[Ateq 1-ip] [Naammagittaalliortoq] nammineq ikinngutimisut eqqaavaa, ilaannikkullu nereqatigiutigalugu Kalaallit Nunaata USA-llu soqutigisaat qanoq siuarsarneqarsinnaaneranik oqaloqatigisartagarinerarlugu.”

Taamak issuaaneq oqaaseqatigiimmit tuluttut allassimasumiit ima allassimasumiit tunngaveqarpoq:

“... In an interview, [Ateq 1] said [Naammagittaalliortoq] is “a personal friend” with whom he occasionally dines to “talk about ways to advance the interests of both countries.”
...”

Reuters-ip ilanngutassiaani oqaatsit atorneqartut malillugit Reuters-ip [Ateq 1] ima paasisimagaa Tusagassiuutit pillugit Aaliangiisartut nalilersuutigaat; [Ateq 1-ip] apersorneqarnermini [Naammagittaalliortoq] ikinngutigalugu, ilaannikkullu nereqatigisarlugu marluullutillu nunagisami soqutigisaat qanoq siuarsarneqarsinnaanersut oqaluuserisarsimallugit.

Tassungalu tunngatillugu, KNR-i Reuters-ip ilanngutassiaanik
issuaasinnaanermik pisinnaatitaaffeqarpoq.

Taamaakkaluartorli, [Naammagittaalliortup] KNR-imut allagaani ulloq 23.
apriili 2026-meersumi takuneqarsinnaavoq, [Ateq 1-imiit] ikinngutitut
oqaatigisimanera, marluullutillu nunagisami soqutigisaat qanoq
siuarsarneqarsinnaanersut oqaluuserisarsimaneri pillugit akerliliinera
tunngavilersuutigineqarpoq:

“Uani erseqqissaatigilluarneqassaaq, Reuters-imi journalistip nassuiaataa
malillugu ikinngutigittut isigineqassanngitsugut, kisiannili [Ateq 1-ip]
ikinngutigittutut isigitserusuttoq, sammisallu taakkua
oqaluuserissagigut piumasaringaa. Tamakku
OQALUUSERINIKUUNNGILAGUT. Taamaattumik ilanngutassiami
isaasalerneqarsimapput.”

Tusagassiuutit pillugit Aaliangiisartut taamak uppersaaneq
tunngavigalugu nassuiaanerit arlaat eqqortuunersoq
nalilersuiffigisinnaanngilaat. Kisiannili Kalaallit Nunaata nunanut allanut
politikkikkut tunngatillugu maanna inissisimanera aallaavigalugu
paasissutissat arlaannut nikanarsaataasinnaasutut tatigisaanermilluunniit
annikillisisinnaasutut Tusagassiuutit pillugit Aaliangiisartunit
nalilersuutigineqarput. Ilanngutassiami [Ateq 1-ip] oqaatigisimasaata,
[Naammagittaalliortup] ikingutiginnerup qanoq ittuuneranik nammineq
oqaatigisamaata ilumuussusaanut nalornisoornartoqalersitsivoq.

Taamaattumik ilanngutassiap saqqummiunneqannginnerani, KNR-ip
[Naammagittaalliortumut] paasissutissat taakkua saqqummiunnerisigut
qanoq eqqortuutigineri misissorneqarsimannginneri Tusagassiuutit
pillugit Aaliangiisartut isornartorsiorpaat.

*5): Naqqiinissaq paasissutissiissutigini kuusamillu
kukkussuteqarsimanermik oqaatiginninneq pillugit piumasaqaatit*
[Naammagittaalliortup] akissuteqarsinnaanissamik
piumasaqaateqanngilaq, kisiannili KNR-ip paasissutissanik naqqiinissaa
aamma paasissutissiissutigini kuusaminik kukkussuteqarsimanini pillugu
www.knr.gl -imut radioaviisimullu aallakaatitsinissaa kissaatigalugu.

Tusagassiuutit pillugit Aaliangiisartut, tusagassiissutit ilanngutassiami paasissutissanik naqqiinissaanut peqqussuteqarnissamik, aamma paasissutissiissutigineqarnikut kukkusumik saqqummiunneqarsimaneranik tamanut tusarliinissamik peqqussuteqarnissaminik inatsisitigut piginnaaneqanngilaq, kisianni tusagassiinermi akisussaaneq pillugu inatsimmi § 49 malillugu, Tusagassiuutit pillugit Aaliangiisartut isornartorsiutaat tusagassiummit saqqummiunneqassasoq peqqussutigisinnaavaat.

Tusagassiuutit pillugit Aaliangiisartut aaliangiissutaata saqqummiunneqarnissaa

- Digitalikkut ilanngutassiaq

Tusagassiinermi akisussaaneq pillugu inatsimmi § 49 malillugu, KNR-imi pisussaasutut aaqqissuisoq Tusagassiuutit pillugit Aaliangiisartunit peqquneqarpoq imallu saqqummiussissasoq:

www.knr.gl -imi:

”[immikkoortitaq]

Tusagassiuutit pillugit Aaliangiisartut KNR isornartorsiutigaat

[immikkoortup qulequtaa]

KNR saqqummiussisimannginnermik eqqunngitsumillu issuaasimanermik isornartorsiorneqarpoq

[imarisaa]

Aprilimi KNR-i nittartakkamini tusagassiuutip nunami allameersup oqaluttuarisimasaanut issuaalluni ilanngutassiamik saqqummiivoq, tassani ilaatigut [Naammagittaalliortup] amerikamiumut niuertumut Det Hvide Hus-imut attuumassuteqartumut atassuteqarsimasinnaanera allaaserineqarpoq.

Niuertup Kalaallit Nunaanni sunniiniaanera pillugu

[Naammagittaalliortup] ilumuunnginnerarlugu oqaatigisimasaa KNR-ip ilanngutassiami kukkusumik allassimavaa. Uffa niuertup Kalaallit Nunaanni sunniiniaasimanera ernumassutiginaq oqaatigiinnarsimagaa.

Aammattaaq [Naammagittaalliortup] tusagassiuutip nunami allameersup ilanngutassiaani paasissutissat arlallit eqqortuunngissorai. Taakkualu

ilanngutassiap tamanut saqqummiutinnginnerani, KNR-ip
[Naammagittaalliortoq] oqaaseqaateqarfiginissanut
periarfisseqqaarnangu ilanngutassiaani issuarneqarsimallutik.

Niuertup sunniiniarnera pillugu [Naammagittaalliortup] tusagassiummut
nuna allameersumut oqaatigisaa, KNR-imit kukkusumik issuarsimanera
Tusagassiuutit pillugit Aaliangiisartut isornartorsiorpaat. Aammattaaq
ilanngutassiap tamanut saqqummiunneqannginnerani, paasissutissat
arlallit pillugit [Naammagittaalliortoq] oqaaseqarnissaminut
periarfissinneqarsimannginnera aalajangiisartut isornartorsiorpaat.

Tusagassiuutit pillugit Aaliangiisartut nalunaarutip qulaani allassimasup
saqqummiunnissaa pillugu uatsinnut peqqussuteqarput. Aalajangiissut
tamakkiisumik allataq, Tusagassiuutit pillugit Aaliangiisartut
nittartagaanni atuarneqarsinnaavoq.”

*Ilanngutassiap pineqartup saqqummiunnerani, aaliangiisartut
aalajangiissutaat KNR-ip attaveqaataani piaartumik
saqqummiunneqassaaq. Tamanut saqqummiunneqarnera, immikkut
ilanngutassiatut sallinngortinneqarluni, assersuutigalugu
isornartorsiunerup saqqummiunneqarneraniit sivikinnerpaamik ulloq
ataaseq nittartakkap saqqaanut inissinneqarluni saqqummiunneqassaaq.*

*Aammattaaq ilanngutassiap pineqartup sallinngortinneqarsimanera
assigalugu, saqqumineratalu piffissap sivoqataa assigalugu immikkut
ilanngutassiatut tamanit takuneqarsinnaatinneqassaaq.*

*Naggasiutitut ilanngutassiaq pineqartoq suli nittartakkami
takuneqarsinnaappat, matumanilu aaliangiisartut isornartorsiutaasa
kingorna allanngortinneqarsimanngippat, taava allannerata
aallartinnerani aaliangiisartut aalajangiissutaat ima qulequtserlugu
”Tusagassiuutit pillugit Aaliangiisartut ilanngutassiamik
isornartorsiuteqarput”, link-ilerneqassaaq. Allatat naqinneri
ilusilersuinerlu tusagassiummit atorneqartartut atorneqaqquneqarput*

- Radio

Tusagassiiinnermi akisussaaneq pillugu inatsimmi § 49 malillugu, KNR-imi
pisussaasutut aqqqissuisup Tusagassiuutit pillugit Aaliangiisartut

aalajangiissutaat piaartumik radiokkut aallakaatitsinissaanik
aalajangiisartunit peqquneqarpoq. Tamannalu ilanngutassiap
isornartorsiorneqarnikoq assigalugu, "Radioaviisi"-mi aallakaatitsinermi,
pissaaq imallu saqqummiunneqassalluni:

Radiukkut atuaasartup atuassavaa:

"Apriili 2026-mi "Radioaviisi"-mi ilanngutassiaq aallakaatinnikuusarput
pillugu Tusagassiuutit pillugit Aaliangiisartut isornartorsiorneqarput."

Matuma kingorna radiukkut atuaasartup aaliangiisartut aalajangiissutaat
ima atuassavaa:

"Apriilimi KNR-i nittartakkamini tusagassiuutip nunami allameersup
oqaluttuarisimasaanut issuaalluni ilanngutassiamik saqqummiivoq,
tassani ilaatigut [Naammagittaalliortup] amerikamiumut niuertumut Det
Hvide Hus-imut attuumassuteqartumut atassuteqarsimasinnaanera
allaaserineqarluni.

KNR-ip ilanngutassiami kukkusumik ima allassimagaa, niuertup Kalaallit
Nunaanni sunniiniaasinanera pillugu, [Naammagittaalliortup]
tusagassiummut nunami allameersumut eqqunngitsuusutut
nalunaarutigisimagaa. Uffa niuertup Kalaallit Nunaanni sunniiniaasinanera
pillugu ernumassutissaqarani oqaatigiinnarsimagaa.

Aammattaaq [Naammagittaalliortup] tusagassiuutip nunami allameersup
ilanngutassiaani paasissutissanik arlallit eqqortuunngissorai. Taakkualu
ilanngutassiap tamanut saqqummiutinnginnerani, KNR-ip
[Naammagittaalliortoq] oqaaseqaateqarfiginissaanut
periarfisseqqaarangu ilanngutassiaani issuarneqarsimallutik.

Niuertup sunniiniarnera pillugu [Naammagittaalliortup] tusagassiummut
nuna allameersumut oqaatigisaa, KNR-imit kukkusumik issuarsimanera
Tusagassiuutit pillugit Aaliangiisartut isornartorsiorpaat. Aammattaaq
ilanngutassiap tamanut saqqummiunneqannginnerani, paasissutissat
arlallit pillugit [Naammagittaalliortoq] oqaaseqarnissaminut
periarfissinneqarsimannginnera aaliangiisartut isornartorsiorpaat."

Aammattaaq radiukkut atuaasartup atuassavaa:

”Tusagassiuutit pillugit Aaliangiisartut aalajangiissutaat tamakkiisumik allataq, Tusagassiuutit pillugit Aaliangiisartut nittartagaanni atuarneqarsinnaavoq.”

Ilanngutassiat nittartakkami allaniluunniit assigisaani suli atuarneqarsinnaappata, tamanna assigalugu ilanngutassiaq Tusagassiuutit pillugit Aaliangiisartut isornartorsiutaannik imalik aamma atuarneqarsinnaanngussaaq. Imaalineqassaarlu, Tusagassiuutit pillugit Aaliangiisartut isornartorsiutaat takuneqarsinnaatillugu, aatsaat ilanngutassiaq aatsaat takuneqarsinnaanngorneqassaaq.

Naammagittaalliornissamut ilitsersuut

Tusagassiinermi akisussaaneq pillugu inatsimmi § 50 malillugu Tusagassiuutit pillugit aalajangiisartut aalajangiissutaat allaffissornikkut oqartussaasumut allamut suliassanngortinneqarsinnaanngilaq.

Kirsten Thomassen
Siulittaasoq

Ilanngussaq 1 – Klagen

Ilanngussaq 2 – Oversat transskribering af påklaget indslag i kl. 12 radioavisen den 20. april 2026

Ilanngussaq 3 – Svar fra Indklagede af 30. april 2026

Ilanngussaq 4 – Svar fra Klager af 4. maj 2026

Ilanngussaq 5 – 2. svar fra Indklagede af 11. maj 2026